

竊余蒞任於此六易星霜於一切政治未嘗不心慕乎古人奈有道德然後有文章有文章然後有事功余少于學既鮮根柢遂絕口不敢言政治矣然職司水利不能不舉築是務當授事



之初檢閱舊案多所散失乃於各屬徵圖索案未及達几而沙洋報潰臨堤勘視茫無定見是圖案之不集考覈之不詳難中機宜有戒此失爰命吏自是有關水利之案次第收集以備措

606381

APH 22 1941

施集旣成帙吏忽捧案而前曰期滿當代祈更僉以集案之再入者勿致散失焉余聽是言悚然而思是不特吏之當代官亦有代也噫余自沙洋一警之後尋隙補漏無一時息亦深念夫



築堤怒水也疏洩殺勢也如使  
水無受地導引何所遂於是役  
循墻而走僅曰小補適臺中有  
開河之請承制軍命得與勘  
議列準今酌古相地度勢恐無  
所於成有所於敗旣不能踵議

建非常業又不能使藩籬全固  
深爲愧慙今爾其括吾俸將所  
集圖案授之梓庶將來有心

**國**是者得悉楚中連年所辦原委  
而思議之其或輸補天之伎其  
或效䟽鑿之能使三楚居民永



免水阨是則鄙人之深望也夫  
是爲記


乾隆拾壹年丙寅蒲月中浣東

武王槩誌

# 水利堤圖



湖北安襄鄖道水利集案圖





襄陽堤圖


















監利縣









潛江堤圖



圖





天門堤圖



湖北安襄鄖道水利長策圖





湖北安襄鄖道水利集案圖







泗陽州委章開國縣民紀事  
為題家等以居六時遊和



詳制憲那撫憲范請定各屬歲修堤埝條規

爲備陳修築堤工事宜以衛民業事竊照堤埝爲閭閻田舍攸關修防之道貴於綢繆未雨況沿江堤岸在在多有險衝卽修築堅完尚恐連陰異漲或致疎虞印河各官身任地方重寄務宜仰體憲衷保赤勤求實心經畫未便稍有忽視乃本道於本年四月二十一日到任後歷稽歲修舊案雖向應九月興工次年二月完工而依期查辦者甚少工不早完事多遲悞卽如鍾祥縣之三官廟天門縣之沙溝垸於上年七月十八九等日偶被水冲並不及早修理完固以致今年四月初八十三等日又遭漫潰之患本道凜遵憲訓行催趙築不遺餘力印河各官冒



著董率備極辛勞幸得兼工築起秋汛不至潰決然已官民交  
瘁大費經營又查各處堤工雖向來歷係民修原非官工可比  
而每年歲修工築又間有辦理未善故沿途堤岸及衝險處所  
應加培修者現在固宜保護尤應於歲修之際逐一修補實力  
妥辦用資捍禦是以本道於七月初間即將修理堤工事件細  
爲開列通行所屬預期經理茲於八月二十六日因署藩司顧  
副使議稟修堤派費一事接奉鈞批仰見憲臺屢念修防務期  
盡善之至意除派費一案另與地方官悉心確核妥酌會司具  
詳外本道查興築之功雖資民力然堤埝欲求其鞏固章程須  
定於車先所有歲修搶修現行應辦各事宜謹縷晰條分逐一

臚列爲我憲臺陳之

一估報之冊籍宜早也歲修工程例應

印河各官逐段勘估老堤原高寬丈尺若干某處應加高若干  
某處應加寬若干需用工夫若干務於七月二十外查明造冊  
於八月初十外費送本道察核庶便九月興工不致稽延  
一均派之夫數宜公也各處堤埝或係按糧派夫或係照垸興築  
該州縣衛各有均派成例須按照垸落應需工夫秉公均派不  
許賣富差貧少有偏枯貽累攤派公平民自樂從允服  
一做  
工之垸落宜分也辦理工程須要井井有條始功易成而事不  
紊堤工各有垸落每一垸須用水牌一面上寫某垸堤計長若  
干丈尺字樣插於堤上則某垸做工一目瞭然不特勤惰易分



而工程之堅實與否亦便於考察 一修築之日期宜定也各坑應修之丈尺不一其所需之夫土亦多寡不同應聽民自爲酌量每工有夫若干可以做工若干自本年九月起至來歲二月中每月約做工程幾分何日可以做完令其核妥開單報官存案按期查考所做土方毋得徒催夫役不驗工程如偶遇陰雨停工准於所定日期內扣明寬限俟晴日兼工價築其石不必照依所分之限情願早爲趕築完工者聽從其便總不可過於迫促亦不得稍有任延 一取用之土方宜遠也堤脚愈寬愈厚則堤身愈安愈固凡附近堤邊之土不得輕爲挖取侵損堤脚致使堤身搖撼不堅 一築做之工程宜堅也工程最重

聖訓辦築應用實工務要層土層礮多用牛工踐踏簽釘試水不漏不許鑿草見新鬆填浮土以致工不堅實徒費民力 一

勤惰之勸懲宜彰也勤者不獎無以示勸惰者不做無以示懲各處堤工既有定限如果克期告竣工程結實應將頭人酌給花紅以昭風勸其有逾期日久工不合式者亦應量予薄懲斯民共知奮勉不敢怠玩 一包攬之棍徒宜究也各處堤工每有一種土棍自恃豪強勾結無賴衿蠹攬充提總從中包折侵蝕土方更致工不堅固實爲害民蠹賊應嚴行查察拏究毋稍徇縱 一胥役之勒索宜禁也堤工事件雖係印河各官之責而差遣書役按段稽查督催勢不能免但書役中勤慎奉公固



有其人而藉事需索假公營私者亦復不少須嚴加約束時時訪察不得疎忽 一柳荻之栽插宜密也堤岸修完每資柳荻根蒂盤結而土性更得堅實是以柳荻與堤工最為有益須勸民間遍為栽插務期成活造冊具報不可視為泛常 一堤上之土牛宜備也事分緩急防患貴在機先各處堤工務須酌分遠近丈尺各備土牛堆積堤上以便遇有需用之際即得乘時搬取不致臨期無土有費周章 一堤工之巡視宜週也以土築堤豈能免於剝落况遇雨淋水汕尤難一無坍塌全賴勤加巡視少有殘缺即為補苴鼠穴催涸立刻完填衝險處所酌用椿木樹枝等物預為防護斯為力易而成功多圩長人等務要

日日看視河員間日親查印官不時稽查至屆汛期更須印河各官督率晝夜巡視以保無虞 一月堤之挽修宜豫也平易之堤偶有殘缺增卑培舊祇須量為補修至若勢處險衝老堤日漸汕刷危如累卵者必得新挽月堤始能有備無患然此等情形貴在豫為查勘先期經理則事半而功倍潰後搶修則勞民而傷財各屬每年於伏秋汛後應將所管堤岸週圍巡勘倘有極衝極險亟當挽月堤者立即確核估報照例辦理不得泛視貽誤 一搶修之次第宜分也堤岸過遭冲漫搶修防護固係急不待時然勢處危迫之際尚可竭力補救則應日夜兼工併力趕辦不容片刻稽延若係已潰之後乘時搶修雖非同歲



修工程可以從容經理但亦應將所冲丈尺逐一核明共需夫工若干酌分段落勾派入夫每日做工若干用夫若干刻期備築則事無遲悞而工歸實用卽如今年沙溝垵搶修潰堤一時入夫雲集擁擠堤所幾無施工之處未免多費民力殊爲可惜嗣後遇有搶築之事務須確切估計次第趕修以節民力以固堤工一官員之功過宜定也民間堤岸官爲董修雖係職分應辦之事然其間有實心奉職者亦有怠緩從事者更有印官中之懈怠者膜視民瘼所屬堤埝竟不親加察看爲功爲過應有區分以後境內應修堤工有能上緊辦理依限完報並無遲悞者應請將印河各官各記功一次如修完之後歷經伏秋二

汛完固無虞者應請將印河各官各記大功一次如果三年之內所修堤工並無潰決而平日居官廉幹別無事故者聽候憲臺酌加獎勵以示鼓舞如有應修工程並不加意趕辦逾限半月不完者應請將印河各官各記過一次如有違延日久任催罔應者應請將印河各官各記大過一次其有修理之後被水冲决者或工程本係堅固實因連陰異漲情尚可原或修防並不加謹致水泛堤潰理無可貸以及印官玩視堤防並不親身察看者容俟本道臨時察實核詳憲奪分別懲儆以昭炯戒則功過彰明屬員辦事自必更知實力以上各條皆係查辦堤工最爲切要事宜至此外或有應因地制宜者仍飭各屬隨時



斟酌辦理緣堤工重關民業理合備陳管見具文詳請是否有當伏祈憲鑒查核批示以便遵行抑本道更有請者修築堤工雖係印河各官專責但本道衙門有兼理水利職任理宜不時稽查而修築之際尤應親為督察應請每年於各屬估計冊結報齊之後本道即親往各堤逐加相視以驗所估之處是否妥協指示辦理俟次年二月完工時本道再往覆勘如有工程草率違悞者即行分別查詳察究如此則章程既定督率加嚴庶幾堤工永固戶慶盈寧濱江百姓共沐憲恩之汪濊於靡既矣

謹查襄陽縣老龍石堤一道長十里零三分

一堤首自萬山起至舊旺嘴止長一百二十九丈 一舊旺嘴起至孔家埠口止長八十一丈 一孔家埠口起至宋家嘴止長五十四丈 一宋家嘴起至卧鉄牛止長三十一丈 一卧鉄牛起至碎石嘴止長二十六丈 一碎石嘴起至老龍廟止長二十七丈 一老龍廟起至硯窪池止長三十一丈 一硯窪池起至普陀庵止長八十三丈 一普陀庵起至站鉄牛止長一百四十丈 一站鉄牛起至頭工嘴止長二十丈 一頭工嘴起至龍窩止長一百四十九丈 一龍窩起至二工嘴止長七十丈 一二工嘴起至大沙窩止長三十九丈 一大沙



高起至禹王廟止長一百零四丈 一禹王廟起至觀音堂止  
長一百三十五丈 一觀音堂起至黑龍廟止長一百零三丈  
一黑龍廟至浮橋口止長三十三丈 一浮橋口起至牌路  
巷下丁家嘴止長一百四十三丈 一丁家嘴起至長坡埠口  
止長八十六丈 一長坡埠口起至象鼻嘴止長五十丈 一  
象鼻嘴起至大馬頭止長五十四丈 一大馬頭起至鉄椿止  
長七十二丈 一鉄椿起至大北門止長三十三丈 一大北  
門起至寡婦堤止長三十八丈 一寡婦堤起至二花樓止長  
六十五丈 一二花樓起至長門外水角門止長一百四十七  
丈 一水角門起至楊四廟止長六十二丈 以上共計石段

二千零四丈



謹查當陽縣共六堤

一麥城堤共長三百六十七丈 一沙創灣堤共長八百四十丈  
一羅家灣堤共長八百五十四丈五尺 一細魚港堤共長九百八十二丈  
一滋泥湖堤共長一千六百七十八丈 一菜湖堤共長八百一十五丈  
以上俱係私堤居民自行修築六堤共長五千五百三十六丈五尺



謹查鍾祥縣堤埝

一頭工堤埝白茆城南街口鐵牛關起長一千八百二十五弓  
內地名潘家橋外地名陳家套 一二工堤埝長一千九百九  
十七弓內地名法華庵劉家橋外地名丁公廟降魔殿 一三  
工堤埝長二千零二弓內地名興新在外地名新庵 一四工  
堤埝長二千二百零五弓內地名大潭口外地名浪台觀 一  
五工堤埝長二千一百二十四弓外地名保堤觀內地名徐家  
灣項家潭從家廟 一六工堤埝長一千七百四十九弓內地  
名營房外地名華家灣 一七工堤埝長一千八百二十弓內  
地名翟家潭關帝廟泰山廟外地名流連口 一八工堤埝長



一千八百八十六弓內地名胡家集外地名草廟孔家集戊巳碑 一九工堤塋長一千七百八十九弓內地名軍民觀潭張公庵杜家廟外地名馬公洲 一十工堤塋長一千六百八十弓內地名劉馬家潭外地名眞君廟 一十一工堤塋長二千一百四十四弓內地名三官廟殷家灣外地名荆門州鄧家塢 一十二工堤塋長一千八百四十一弓內地名侯家廟烏龍廟外地名殷家集塘汎 一十三工堤塋長一千六百九十六弓內地名茶園屯賈公碑外地名倒掛嘴 一十四工堤塋長一千三百八十四弓內地名沙湖寺石牛潭外地名劉馬渡口 一十五工堤塋內除京山縣金港口汎堤外長一千四百二

十四弓內地名羅家庵施家潭忠祠潭外地名舊口楠樹廟 以上堤塋自府城南街口頭工鐵牛關堤起至舊口鎮十五工楠樹廟堤止共長二萬七千五百六十六弓計程七十六里四分六厘外有 一十六工堤塋長三百九十弓地名王家營間京山縣汎堤之內 一十七工堤塋長二百八十五弓地名姚家營間京山縣汎堤之內 一十九工堤塋長三百五十六弓地名張壁口間京山縣汎堤之內



詳列荆門州沙洋堤壩石磯石岸

一襄河南岸

沙洋街頭起至何家嘴止計長一百六十八丈

五尺

何家嘴起至茶庵廟止計長二十八丈

茶庵廟止計長一百七十一丈五尺

老石磯起至樸樹頭止

計長七十五丈

新石磯起至老石磯止計長七十九丈

土地起至新石磯止計長一百二十二丈

李家灣起至歐土

地止計長一百一十二丈五尺

徐家灣北堤起至李家灣止

計長一十四丈

徐家灣起至北堤頭止計長一百一十一丈

曾家灣北一段起至徐家灣止計長三十八丈

曾家灣起

至丙月堤金公堤止計長一百一十七丈

水廟灣堤起至曾



家灣止計長二百二十四丈 龍王廟起至水廟灣止計長二百六十五丈 黎家灣起至龍王廟止計長二百七十三丈 新城北堤頭起至黎家灣止計長二百零六丈 江家灣起至新城止計長二百零八丈 廖家窪起至江家灣止計長一百零六丈五尺 廖家窪後添月堤一道計長三百弓 熊家窪起至廖家窪止計長一百七十八丈 北耳堤起至熊家窪止計長一百一十六丈 鄭家潭大堤起至北耳堤止計長二百九十三丈 南耳堤起至鄭家潭止計長八十六丈 朱李灣月堤起至南耳堤止計長一百八十八丈 朱李灣老堤起至月堤止計長一百六十八丈五尺 郭馬趙月堤起至朱李灣

止計長一百二十七丈五尺 郭馬趙老堤起至月堤止計長一百七十一丈五尺 蕭家口堤接潛江界起至郭馬趙止計長九十三丈五尺 以上自沙洋起至蕭家口潛江縣界止大堤月堤共長三千八百九十一丈內舊有石磯二座乾隆九年添建石磯十座石岸二道 關廟前舊建石磯一座 關廟下舊建石磯一座 歐土地建石磯一座 卅高二丈七尺東底寬二丈五尺西底寬四丈東面寬八尺西面寬四丈底長二丈面長三丈五尺用石五十層 熊家窪建石磯一座高寬丈尺與歐土地石磯相同 李家灣建石磯一座卅高二丈二尺五寸東底寬二丈五尺西底寬三丈八尺東面寬六尺西面寬三丈



五尺底長二丈面長三丈五尺用石四十四層 曾家灣建石  
磯一座 水廟灣建石磯一座 黎家灣建石磯一座 朱李  
灣建石磯一座 江家灣建石磯一座 鄭家巷耳堤建石磯  
一座 以上六磯高寬丈尺與李家灣石磯相同 歐家灣建  
小石磯一座高一丈八尺東底寬一丈六尺西底寬二丈東面  
寬四尺西面寬二丈五尺底長八尺面長二丈五尺用石三十  
六層 小石磯北江堤一段建石岸一道長二十五丈寬三丈  
四高一丈八尺 歐土地石磯北江堤一段建石岸一道長五  
十四丈寬三尺四高一丈八尺 小江湖堤塍 自關廟起至  
馬良山底止計長五十里 續估添修預備月堤四道 一自

李公堤中起至龍王廟底內挽月堤一道 一自龍王廟下  
堤頭起至新城街頭底內挽月堤一道 一自新城街頭起至  
新月堤熊宅旁底內挽月底一道 一自熊宅旁起至白鶴寺  
交潛江縣至王家潭徑到蕭家口交荆潛堤界底內挽大月堤  
一道 共銀三萬六千八百二十六兩二錢四分五厘



謹查京山縣堤壩

一襄河北岸 鍾祥縣舊口交界起至金港口止計長六百三十三丈五尺 又鍾祥縣堤一節計長四百六十二丈 內有荆右衛堤一節計長一百二十五丈五尺 金港口界起至楠榔廟止計長四百九十六丈 內間有鍾祥縣堤一百四十五丈五尺 荆右衛堤二十丈 該堤崩逼河岸於臨河建築草壩一道計長一百四十三丈加高五尺又加修內月堤上卡一百八十七丈 楠榔廟起至王家營止計長四百六十五丈 又鍾祥縣堤一節計長五十二丈五尺 內有荆右衛堤一節計長三十五丈 王家營起至馬林口止計長八百六十二丈



五尺 鍾祥縣堤一節計長一百七十八丈 內有荆右衛堤一節計長七十五丈 馬林口起至張壁口止計長六百四十七丈 內有荆右衛堤一節計長四十九丈 張壁口起至操家口止計長六百二十四丈 內有荆右衛堤一節計長二百八十六丈五尺 操家口起至陳洪口止計長三百六十丈 陳洪口起至渡船口止計長九百八十七丈五尺 渡船口起至樂豐垸止計長一千零七丈 樂豐垸起至王萬口止計長九百丈 王萬口起至長豐垸止計長九百丈 長豐垸起至丁家潭止計長九百丈 丁家潭起至黃付口止計長九百丈 內有潛堤一節計長三百七十五丈五尺 黃付口起至

心口止計長五百八十一丈 內有潛堤一節計長一百七十一丈 唐心口起至鮑家嘴止計長七百四十七丈五尺 鮑家嘴起至楊堤灣止計長九百丈 楊堤灣起至呂家灘止計長九百丈 呂家灘起至聶家灘堤接潛江界止計長九百丈 以上自鍾祥縣舊口交界起至聶家灘接潛江縣界止計大堤月堤共長一萬三千八百九十八丈草欄一百四十三丈內間有潛江縣堤二節共長五百四十六丈五尺間有荆右衛堤六節共長五百九十丈五尺間有鍾祥縣堤四節共長八百三十九丈



詳查清江縣堤塍

一 襄河南岸 荆門界起至長老一塍止堤共長三千六百三十六丈 長老一塍界起至長老三塍止堤共長八百二十六丈五尺 長老三塍界起至坦豐塍止堤共長三百五十二丈五尺 坦豐塍界起至新豐塍止堤共長一千七百九十七丈 新豐塍界起至栗林塍止堤共長四十六丈 栗林塍起至白茨塍止堤共長一千二百零六丈 白茨塍界起至官洲塍止堤共長一千零六十五丈 官洲塍界起至黃樟塍止堤共長一千九百二十七丈 該塍內有雷宅門首堤塍崩埝危險 挽修月堤一道計長一百四十一丈 黃樟塍界起至義豐塍



接天門縣界接沙窩院縣河鄭蒲院止堤共長二千五百九十三丈 該院內有蕭家灣崩陔危險挽修月堤一道計長一百八十一丈 以上自接荊門州界起至義豐院接天門縣界止大堤月堤計長共一萬三千七百七十丈 一襄河北岸京山唐心口界起至趙家院又自京山界止堤共長三百七十五丈五尺 此處間有京山堤一節計長五百八十一丈 京山縣界起至趙家院止堤共長一百七十一丈 此處間有京山堤一節計長三千四百四十七丈五尺 京山縣蕭家灘起至中泗院止堤共長三百零九丈 中泗院界起至楊湖院止堤共長一千三百七十一丈 楊湖院界起至趙林院止堤共長

五百五十八丈 趙林院界起至計家小伏院止堤共長六百七十二丈五尺 計家小伏院起至太平院止堤共長二千八百三十六丈五尺 太平院界起至沿江院止堤共長四百四十七丈 沿江院界起至沙洞院止堤共長一百五十八丈 沙洞院界起至車墩院接天門縣界止堤共長八百一十七丈五尺 以上自接京山唐心口界起至車墩院接天門縣界止計堤共長一萬一千七百四十四丈內間有京山縣堤二節共長四千零二十八丈五尺



海州志卷之八

謹查天門縣堤埝

一襄河南岸 潛江界起至猓獐埝止堤共長一千零八十八丈  
猓獐埝界起至牙旺埝止堤共長一千零五十丈 牙旺埝  
界起至馬家埝止堤共長九百五十丈 馬家埝界起至上中  
洲陸區止堤共長二千九百一十三丈 上中洲陸區界起至  
下中洲陸區止堤共長二千六百一十八丈 下中洲陸區界  
起至老觀壩止堤共長六百零五丈 老觀壩界起至石泉埝  
止堤共長九十丈 石泉埝界起至長湖埝止堤共長三百九  
十丈 長湖埝界起至猪豕埝止堤共長五百二十五丈 猪  
豕埝界起至濫泥埝止堤共長三百四十五丈 濫泥埝界起



至犴獐堤止堤共長二百一十丈 犴獐堤界起至漚麻堤止堤共長三百六十五丈 漚麻堤界起至官湖堤止堤共長二百六十八丈 官湖堤界起至北河堤止堤共長三百二十二丈三尺 北河堤界起至七江堤止堤共長二百四十丈 七江堤界起至青泛堤止堤共長二百丈 青泛堤界起至桑林堤止堤共長三百二十丈 桑林堤界起至夾洲堤止堤共長一百五十丈 夾洲堤界起至戴家堤接沔陽界止堤共長三百丈 以上自接潛江縣界起至戴家堤接沔陽界止計堤共長一萬二千九百四十一丈三尺 一襄河北岸 潛江界起至長溝堤止堤共長二百二十五丈 長溝堤界起至月兒堤

止堤共長四百八十丈 月兒堤界起至老觀堤止堤共長六百丈 老觀堤界起至范獐堤止堤共長六百丈 范獐堤界起至洋潭沙溝堤止堤共長五百六十一丈 洋潭沙溝堤起至上中下牛蹄堤止堤共長九百丈 上中下牛蹄堤界起至上陶林陸區止堤共長六千六十六丈 上陶林陸區界起至下陶林陸區止堤共長一千八百丈 下陶林陸區起至黃沙堤止堤共長八百五十二丈 黃沙堤界起至團湖堤止堤共長四百一十丈 團湖堤界起至查家堤止堤共長六百二十一丈 查家堤起至下殷河止堤共長一百一十六丈三尺 下殷河界起至泊魯堤接沔陽界止堤共長二千一百七十丈



以上自接潛江縣界起至泊魯院接沔陽界止計堤共長一萬五千四百零一丈三尺 一牛蹄支河南北兩岸堤共長一萬九千七百丈 一通順支河南北兩岸堤共長一萬三千二百丈

謹查沔陽州堤埝

一襄河南岸 天門交界起至新泊院止堤共長七百二十三丈 新泊院起至童潭院止堤共長九百七十丈 童潭院起至大石院止堤共長一千七百六十二丈 大石院起至小石院止堤共長三百八十八丈五尺 小石院起至新淤院止堤共長一千二百七十五丈五尺 新淤院起至上楊家院止堤共長四百三十二丈 上楊家院起至下楊家院止堤共長八百五十九丈五尺 下楊家院起至蓮花洲院止堤共長六百三十四丈 蓮花洲院起至確白院止堤共長一千三百九十六丈五尺 確白院起至高巖泗院止堤共長一千一百五十



五丈 高嚴泗垸起至芳洲垸接漢川北枝溝堤共長四百三十八丈七尺七寸 以上自接天門縣界起至芳洲垸接漢川界止計堤共長一萬零三十四丈七尺七寸 一襄河北岸天門縣界起至潭灣垸止堤共長六百五十二丈五尺 潭灣垸起至西毛台垸止堤共長一百五十四丈五尺 西毛台垸起至楊林垸止堤共長一千三百六十九丈五尺 楊林垸起至馬骨垸止堤共長三千七百零七丈 馬骨垸起至長團垸接麥旺嘴橫堤頭止堤共長一千六百六十九丈 以上自接天門縣界起至麥旺嘴橫堤頭止計堤共長七千五百五十二丈五尺 一支河西方光楚古張垸行堤上自天門下自沔汛

勉字號底計長三千三百二十丈 一支河東方通城行堤自一墩起至十墩底計長九千三百丈 一南江新堤自西流垸起下至十二總玉沙界底計長一萬五千四百四十七丈八尺 內預備堤一道計長二十四丈



稟制憲孫督修各屬潰口並請動帑酌修沙洋險工

謹稟本年六月二十一日戌刻奉到憲批內開天潛各潰口若  
必待水退方築恐誤晚秋自當速募熟諳堤工之人照依河工  
做法多用木椿草牛設法星夜搶塞況據另單稟稱水已消退  
五六尺望卽嚴督辦理并移飭江邑一體搶修爲囑沔陽官湖  
青泛等垸已據該州報淹但稱係漲久平漫尚易爲力並卽速  
飭星夜加高培護毋致復有冲洗日內雨潦尚多恐太豐等垸  
并各屋被淹田畝不免成災至襄邑村庄被雹之後又復被水  
深可憫惻務須諄飭委員確勘報奪至被淹人戶毋論成災與  
否受困則一州縣捐貲難遍有應動公項接濟之處該道卽妥



議通稟如果係水難消涸致誤秋禾之處卽當據實查報照例請賑毋得顧望致令災黎失所切切并密諭襄守知之此仍繳等因奉此仰見大人慎重隄防軫恤災黎之至意本道敢不敬體憲心實力查辦伏查各處潰口惟潛江夫工易集今垵埠垸已於二十一日搶築工程三分竹根灘亦搶築工程二分此兩處惟望天晴水勢不漲則十餘日內卽可告竣其太豐垸現在口內出水尚有五六尺甚深者七八尺不等雖於十九日已下樵興工而一時尚難取土堵築須再俟兩三日內外水消卽便兼工趕辦天門胡小垸亦因水深不能取土是以現今一面下樁一面俟水勢再落乘時價築蓋緣潰口內外皆水堤身之外

無土可取難以施工故須俟水消土現方堪興築其沔陽漫潰各口現據該州稟稱必俟河水消退始能放水補種晚禾總在立秋前後完局此時尚難預料至蕭家口原係天河公共出水之所現在垸內之 waters 外流應暫緩搶築以便出水俟水勢一退立卽堵築補種將來冬日仍照舊例由此開口放出湖水以種麥麥惟荆門鄭家灘堤係屬險要工程向日荆州安陸兩郡協修因其例久停格而難行而欲請公項又以無項可撥未免稽遲目下潰決堤口或仍議堵築或另挽月堤若非動公辦理恐難集事本道已面諭該府親往查勘督同該州察看民情妥議妥覆另請憲示此各處現在堤工之情形也至各州縣所請田



商全視潰口之能否築起再視水勢之果否消落更視晚禾之  
可否補種方可以定分數而別輕重卽如天邑縣河近城地畝  
本道來縣之時俱水泮數尺今連日水落高處樹黍露出尚無  
大礙其餘潤出之地農民趕栽晚禾蕎麥等物以望有秋據天  
門張令同委員逐一查明委非成災可比但水勢之消長靡常  
早晚之情形不一而各處之地畝亦高下不同是以本道飭令  
該府州縣及委員務須逐處細勘體察民間光景斟酌查辦成  
災者斷不容少有諱飾不成災者亦不得少有率忽要期勘明  
實情分別輕重緩急妥協經理或出借或請賑照例確議另爲  
稟陳惟聞閭閻漫場房屋係其被止攸關資恤刻不容緩昨省地

方官情狀似不無艱於捐給夫以小民刻不容緩之需而一有  
艱難之色則不失之於遲必失之於漏所以本道已飛飭該州  
縣不拘何項隨查隨給原擬俟事竣稟詳今蒙恩鑒現在酌議  
另稟此各處查勘田畝辦理撫恤之情形也本道才識迂疎諸  
多未諳惟民瘼所關不敢絲毫泄視總期事事凜遵憲訓因時  
因地加謹督辦以仰慰憲懷於萬一除一面密飭安屬府廳州  
縣遵照妥辦并飭移江陵縣作速搶修外再襄邑續又被水已  
據議請賑恤經本道轉稟在案今并密諭該守知照去訖緣奉  
鈞諭理合逐一稟覆



稟制憲孫嚴飭各屬實力賑恤

謹稟安屬地方原係水鄉每伏秋汛長之時各處堤埝間有潰決洧及田廬無歲不然在百姓固習以爲常而地方官亦狃於積弊不肯認真查辦然往年被水者或僅一二州縣或一州一縣之中僅數埝及十餘埝地方有限洧浸無多該地方民人或操舟謀食或傍戚依親尚不至於十分艱窘今夏水漲異常報潰過甚潛河所屬埝落被洧者不下十分之六七天邑漫洧者八九十埝荆門湖田亦洧及半是所洧之地既廣乏食之民必多將來非數十萬石倉糧不足以供賑恤也而且此時水尚未消卽欲補種晚禾以冀薄收亦不可得自秋徂冬歷冬而春以



待麥熟爲日正長若非詳細確查據實妥辦嗟此窮黎斷不能  
不流離失所本道奉到批諭仰見憲臺保赤誠求極爲肫摯俱  
卽密飭印委各官認真辦理而細看屬員中亦有尚欲仍舊積  
弊者本道素性愚蠢遇此等有關民食之事惟知竭盡心力加  
謹督察以副委任於萬一不敢存心冒濫違道干譽亦不取決  
同率混膜視民瘼理合據實密稟

孫制憲奏修沙洋下十里內堤

湖廣總督兵部尚書臣孫謹

奏查楚省漢江襄河所有堤工多係民堤民修惟荊門州之關廟  
鄭家潭等處長二十餘里名曰沙洋據荊安二郡之上游偶有  
疎虞則江監潛沔皆受其害興修保固最宜詳慎是以歷經動  
帑加修乾隆二年又動司庫公捐銀一千兩交荊門州知州大  
加修築詎該州修理草率本年六月間鄭家潭潰決下游州縣  
多致成災除將該州另疏叅革責令賠修外查漢水自關廟以  
下多大溜頂衝之所堤根最爲危險卽將新潰之口加意堵塞  
而以一線之堤與大溜抗衡終非萬全無患之道查沙洋大堤



逸南一二里外尚有古堤一道綿長二十里適當大堤險要之後今年鄭家潭潰因古堤殘缺連衝九口水逾古堤建瓴而下觸處衝淹臣親行相度古堤上十里當關廟之後堤身尚皆高厚可以緩修其下十里適當鄭家潭潰口之後本來堤身多有殘薄又大堤新潰更宜保護必當大加修築一律高厚使大堤專立於外以禦衝刷古堤屹峙於內以防潰溢如此重層保障以資捍禦庶可無意外之虞臣現委員估計興工務於明春完竣再查古堤原不在民修之內必宜動項興築現今各處民堤既經奏明動支商捐銀二萬二千兩借給和修計此項借給之外尚有餘剩卽以所剩之銀修理此堤如再不足查武昌關口

岸銀兩每年亦有餘剩可以動支合此兩項庶可敷用除土方丈尺銀兩數目俟估明題報外所有古堤應修緣由以及動支款項理合先行奏

聞等因前來查湖北荊門州之關廟鄭家潭等處沙洋大堤長二十餘里爲荊州安陸二郡各州縣之保障關係綦重該督既稱乾隆二年動支司庫公捐銀一千兩交荊門州知州大加修築記該州修理草率本年六月間鄭家潭潰決已將該州另疏奏革責令賠修等語應令該督將前項潰決堤工卽速勒令賠修堅固於題案內歸結其乾隆二年動支公捐銀一千兩給發修築之處從前未經報部無憑查核應令據實查明並將鄭家



潭潰口丈尺應賠工段一并查明報部查核至該督奏稱沙洋堤工多有大溜頂衝之所即將新潰之口加意堵塞以一線之堤與大溜抗衡終非萬全之道迤南一二里外尚有古堤一道綿長二十里適當大堤險工之後臣親行相度古堤上十里當關廟之後堤身尚舊高厚可以緩修其下十里適當鄭家潭潰口之後本身殘薄又大堤新潰更宜保護必得大加修築一律高厚以資重層保障等語應如所奏准其將古堤以下十里堤身殘薄之處修築一律高厚以作重層保障作速委員催估與修務於明年汛前完竣仍將應修工段丈尺應需銀兩數目先行造具估冊送部查核其所需銀兩該督奏稱現今各處民堤

既經奏明動支商捐銀二萬二千兩借給幫修計此項借給之外尚有餘剩卽行修理此堤如再不足查武昌關口岸銀兩每年亦有餘剩可以動支合此兩項庶可敷用等語查商捐銀二萬二千兩據該督奏請借給幫修民堤現經戶部議准借給明秋照數催還如此項借給之外尚有餘剩應准其修理此堤倘再不敷查武昌關口岸餘剩銀兩原經奏明留充地方利濟軍民之用今前項不敷修堤銀兩亦應准其卽於口岸餘剩銀兩內動支仍將動支銀數先行造冊報明戶部查核可也乾隆七年十月二十七日題本年正月二十九日奉

旨依議欽此



稟制憲孫請委員修老龍堤姓裂各工

謹稟楚北素稱澤國保衛民業端賴堤埝伏覩大人念切民家  
於堤工一事碩畫精詳勲勲懇懇本道身任地方敢不仰體憲  
衷實心經理襄屬老龍堤荷蒙憲恩動本署口岸銀兩飭令修  
築現在詳委通判王璵實工實料堅固修砌該倅頗能勤謹將  
事不致有悞安屬各堤本道於今年夏秋時周遭巡視遍為諮  
訪或險或易已悉其詳昨自省旋襄順途察看面諭印河各官  
備細籌酌指示料理鄭家潭有同知杜薰督辦可無違悞他如  
京山縣之王家營潛江縣之淌湖天門縣之邱家潭等處均關  
最險工程亦經一一指出本道猶恐所屬官民或有悠忽於印



河各員則剴切檄行於圩業人等則明白示曉俾其觸目警心  
共加奮勉擬俟來歲正月內再於襄屬坐禱中遴選辦事小心  
者詳委數員本道飭其前往安屬有堤各州縣逐一查察如有  
印河各官怠玩從事並不上緊催辦者卽據實詳請憲奪用示  
炯戒一屆完工本道卽率同府廳分頭逐段細勘總之地方官  
盡力一分則堤工卽受一分之益而堤工鞏固一處則百姓卽  
沾一處之恩本道仰承憲命惟有殫心區畫加意董率以副憲  
臺惠愛元元之意於萬一耳緣堤埝重關民業上厯憲懷所有  
現在查辦緣由理合稟明

稟制憲阿奏項添修老龍堤各工

謹稟安屬天荆潛沔京等處堤埝情形業經逐細親加查勘  
等稟達憲案諒蒙犀照鍾祥縣工程因所用夫工不清以致工  
程遲緩現今嚴飭印官催辦俟確查明另報本道於本月初  
七日抵署勘驗城外老龍石堤堤脚修築堅固堤身高出水面  
丈餘足資捍禦伏查此處堤岸壁立江干城垣卽坐於堤址之  
上爲郡城保障所關甚鉅上歲水勢異常燺裂數處若因循不  
修勢必貽害民社本道親爲查驗實係刻不容緩之工程計需  
工料銀二千六百餘兩而府庫僅存歷年所餘歲修銀七百餘  
兩不敷應用經本道稟院移司詳請發項並以此項工程歷係



襄同知承修去冬姚永甫經到任通判王璵熟諳工程應委承辦經司谷覆將八年歲修銀三百八十兩一併借用外蒙前督憲孫另發口岸銀一千一百兩共銀二千三百餘兩飭令襄通判樽節辦理後因拆卸舊料不敷原估而堤形做法又有添工之處續經該府廳詳稱原未發銀二百兩今又添估銀三百餘兩均需發給方可足用經本道移司請不拘何項先行借發以濟急工俟水道將詳明本衙門所收隆中武當租課銀兩徵齊解司還項經司覆無項可借作速催徵租課接濟完工現今本道將徵到租課銀兩發交府廳趕辦所有未徵到銀兩本道即將養廉墊用務使要工速竣以期鞏固統俟完工後明斷開報

以憑查核至襄陽各屬二麥茂盛半月大麥即可就食聞四月初旬後小麥亦可漸次登場某子現在收割小民之饗殮有賴地方自必日加寧謐矣恐厘憲懷理合稟聞



禹王廟重修碑記

嘗攷大禹治水至於荊州而夏書所載蟠冢導濠東流為漢今  
襄陽城北以漢江為濠歷數千百年環繞城郭襟帶長堤安焉  
各循其故道者皆古聖人靈爽有以默相之也載稽漢蔡邕漢  
津賦云通萬山以左迴兮旋襄陽而南縈至唐盧肇作漢水堤  
銘有曰斯堤既成蜿蜒而平確爾山固屹如雲橫是襄陽堤之  
起自萬山也自古為昭矣堤名老龍正防其悍築石岸以衛城  
不獨安陸荊州郡之築土堤者蓋地居江漢上游其水性激也  
依古以來數為漲患防禦永固之術不可苟且乾隆六年夏予  
奉



天子簡命監司三郡素知襄陽爲荆南巨鎮石堤爲襄城藩屏分路  
揚鑣之日卽令有司加意修整壬戌夏秋雨多水漲損壞石堤  
三處六十丈曰大沙窩曰禹王廟曰長門西余蒿目焦思惓然  
謂僚屬曰拯民於溺其可緩乎卽令襄陽令郭芝估修需費數  
千金先是歲修僅三百七十餘兩不支經費亟籲上憲者再報  
曰可乃蒙前督憲孫公出本署公費銀一千兩令方伯安公訪  
工員合歲修項經理其不足者余以荆南書院公項補之刻日  
修築而以襄陽倅王璵董其役襄陽守王經會襄陽丞姚世宿  
時督視之自冬徂夏舉築殷雷飛石輓木駭汗霏雨余親詣相  
度區畫朝昏老堤子堤高下廣狹具如法是役也易賴而堅因

陸而聳險而能夷損而能整以綿亘十餘里之老龍堤倚江樊  
而奠如磐石皆古聖人靈爽有以默相之也先是禹王廟傾圯  
余規撫舊址燦然修葺俾春秋祀事肅將則萬世永賴之功猶  
得於一隅揚其烈而古聖人之平水土庇民人冠百王而稱神  
禹者信不誣也爰誌其畧使後之蒞茲土者有所考焉



稟制憲阿撫憲晏請並修沙洋上十里堤並建石磯

謹稟爲預籌要工以重堤防事竊惟安屬一帶地勢低窪全賴堤壩以資保障然各屬俱係民修民堤卽有險要工程需費浩繁當秋成之後每畝派夫業民協力修築地方水利印河各員苟能實心經理督率均不甚費周章惟荊門州所屬白沙洋起至潛江縣石界止有大堤一道俗名爲御堤又名爲關廟堤俗名爲御堤者相傳謂前代發內帑修築故以名之也又名關廟堤者相傳謂前代之時該堤屢修屢決荆安兩郡之民屢受其害後以關聖顯靈堤遂穩固因立關帝廟於堤上故

又名關廟堤也此堤共長二十里堤內荊門州本屬計田不



過十萬畝糧三千石外面逼臨襄江內連江陵監利潛江沔陽  
田廬實爲五州縣之保障一有疎虞水勢直趨下流江監潛沔  
地勢尤低田廬俱受其患自前明迄

本朝初年歷勅帑金役五邑之夫協力修築雖歷年久遠無案可  
稽然 關廟神誌彰彰可考至康熙十三年潛江王令內陞工  
科題准各修各堤並卸肩於荆門關州山湖之民公修但州屬  
民間田地廬舍山莊土居其八湖鄉土僅有二而山鄉之民以  
地當高阜利無關河有山不協湖之例不肯代修其二分湖  
鄉地畝平在馬以半在沙洋之青村其馬良業民現有該處小  
江湖堤垸一道歲歲增修自顧不服勢不能再修 關堤以及

延二十里之臨江大堤獨設之三千餘石湖田糧戶專任其事  
力弱難支互相控告聚眾抗官以致歷來凡有興修大工必須  
詳請帑項迨至雍正七年議定每湖糧一石輸銀一錢通計湖  
糧三千石共輸銀三百兩在於水利州同衙門繳納以爲歲修  
募夫之用如有大工另行請帑等因在案再查康熙五十三年  
關廟前建修草壩領司庫銀七千兩康熙六十一年修 關  
堤內一包三險月堤並熊家凹月堤領司庫銀三千兩雍正六  
年修 關堤內朱李灣堤領司庫銀三千七百八十四兩雍正  
九年修 關堤內熊家凹小月堤領司庫銀二百七十兩零雍  
正十二年建修 關廟前石磯領司庫銀五百零五兩乾隆元



年修關堤內鄭家潭及歐土地等處堤領司庫銀一千兩乾隆  
六年修鄭家潭月堤領司庫銀三百兩此歷年未達有案可憑  
者也俗謠云荆丁關廟堤沒了荆州塔從前尚謂此係該地  
鄉民無據之語去夏伏汛大漲關堤下十里內鄭家潭沖潰水  
勢直抵荆州城外數百里平疇頓成巨浸五州縣田廬半沉銅  
底本道駕舟巡視身在河干者四閱月目睹老弱者淹斃波臣  
少壯者露棲林木號泣之聲徹於遐邇慘慘之狀不忍見聞獨  
免賑恤糜費庫帑二三十萬始知俗謠非虛然鄭家潭係在關  
堤下十里內與荆州府尚屬斜對倘上十里一經潰決更在江  
監寺屬上游被淹勢必益甚上年秋間蒙前督憲孫親詣查勘

鄭家潭潰口見水勢冲射自新城以下十里外堤在在危險勘  
其內有老堤基址尚存

奏明

動帑重修古堤一道飭令府廳料估興工此堤計長八里餘

將來告成之後實為外堤之保障數邑之全湯誠一勞永逸之

良圖也其自新城以上十里未經議修原以老堤高聳兼恐一

時并舉錢糧不繼是以緩為後圖本道往返河干細加查看內

有歐土地廟等處被水冲射堤身堤脚崩坍壁立河干在在需

修勢難久緩雖內有月堤數處較之臨江大堤或矮三四尺或

矮五六尺不等多係浮沙擁築倘外堤不固月堤萬難足恃總

之修築月堤必須堤身高於外堤即或不能亦必與外堤相等



始足以資捍禦乃當年承辦草率處處低矮且用沙土鬆填是  
舊築之月堤竟爲虛設所幸者外堤舊工堅實目今危險之處  
尚有根脚儘可施工非若自新城以下之外堤日見荒崩難於  
用力上年本道同前府等公同查勘諭令署州相度情形詳請  
動帑興修該縣誠恐需費浩繁未敢遽議大工徑行詳請捐資  
擇其緊急之處諒爲修葺細爲驗勘所做工程不過用土敷貼  
堤身一歲之內尚不能必其不剝落豈能爲久遠之計然捐資  
有限實亦無可如何今若議派合州公修在山田之民利害無  
關勢難強之使從若仍請他州邑協帮不特案經久定且江監  
潛河等處亦各有沿江內湖應修堤埝協修之例又難議復若

不預爲籌畫年復一年苟且遷延水勢冲刷老堤單薄難保無  
虞卽或上告興修工力難施需費更繁亦大非今日之比水道  
日擊工程險要前鑒不遠爲地方籌久遠之道爲千百萬羣黎  
求奠安之策不得不早爲顧懇動帑興修或將上十里大堤低  
者加高薄者培厚至頂冲迎溜處所查 關廟前有舊石磯一  
座雍正十三年請帑建新石磯一座挑分水勢使激湍不至刷  
洗堤土甚爲穩妥然一磯僅能防護里許似應細加相度照式  
於頂冲之地添築石磯七八座以禦奔濤或將舊日月堤挖駁  
土築者存留培高培厚沙築者毀廢另築結實土堤以防水患  
庶幾工程久固五州縣



國賦民命均有攸賴本道由刑曹出守此地事無大小無不脩竭  
愚誠但於工程水利事務未曾經歷雖可尋隙窺漏至措置機  
宜素未諳練其或修大堤或築月堤需費若干建築石磯每座  
需費若干及作何分別緩急添設修築之處懇祈憲臺遴委熟  
練河務工程之員前往該處協同水利印河各官及該管府廳  
公同議加確勘畫一定議申詳聽候憲臺察核批示次第舉行  
再查各屬歲修夫工或派數萬及十餘萬不等該州以二十里  
臨江險要大堤每歲不過徵費三百金印按額催徵足數亦不  
過添土三千方歲修之費實有不敷以致堤身口漸單薄應飭  
安屬各州縣細加確查有無未盡革除陋規及相沿舊弊可以

裁減其甚酌留些須以幫堤費倘得革一陋規或除一舊弊每  
歲添費千百金使一年歲修共有千餘金存貯府庫逐年修去  
自有撙節遇有大工即行告修庶永免復行請帑興修之慮矣  
管窺之見是否有當理合稟候憲臺察核



稟制臺阿約估沙洋上十里石土各工復請並修下十里外堤  
謹稟襄屬一帶自七月以來天時稍旱十八九等日連得微雨  
當經具稟憲案自二十日起又復長晴農民頗有望雨之思今  
於二十八日黎明復沛甘霖晚禾蕎麥甚為有益一歲之收成  
將畢春秋之雨暢應時謹修稟奉聞以慰憲心並請福安沙洋  
大修上十里堤廕一事前來鈞批當卽諭荊門州詳細勘估昨  
據舒牧約畧估計上十里上方需銀八千七百七十餘兩石磯  
八座需銀九千五百餘兩下十里外堤單薄亦擬加帮土方約  
需費九千三十餘金蓋此堤自定議官修湖民僅出歲修三百  
兩之後僅土之費必需有若二十年來日見剝削總不能如別



縣堤工之得以大加歲修故積久費繁因勘議中間尚有未協之處復扎發安陸府寨守率同該州再加相度俟該府勘覆到日再為斟酌此項估摺堤圖將來該府覆到本道或差役齎投憲轅抑或存候憲駕臨工始行投遞統祈訓示

稟制憲阿撫憲晏請帑生息為沙洋歲修費

謹稟荆門州所屬關廟官堤一道袤延二十里為江監潛河五州縣之保障前經備敘原委情形詳細具稟籲懇勘議或加修大堤或改築月堤業蒙憲臺諭俟秋後親臨勘驗將來憲駕到工驗明之日自必籌其緩急斟酌盡善次第舉行惟是堤壩大修乃間時一舉而歲修之行一屆難緩所當預為籌酌免致無米停炊蓋各屬歲修夫土少則數萬多則十數萬該州以二十里臨江大堤每歲徵費三百金添土僅止三千方實有不敷合州公修及五州邑協修之例久經停止勢不能拂民情而強之使復前稟內臚列情由謹飭安屬各州縣細加確查如有未



盡革除陋規及相沿舊弊酌量裁革補歲修堤費等語細繹各屬陋規業經節次革除而荊門州官役私徵錢糧之弊似可裁其已甚量留十分之一二為歲修官堤之用無如其地有無著空糧千金需派一派之後恐難再派地方印河各官非不知工程險要但一經詳請動帑興修卽有保固之責歲歲賠修之累倘遇大漲疎虞更有非常賠補是以延挨觀望不肯輕詳此實下吏不得已之苦情亦非好為玩視伏念

恩澤浩蕩刻刻以愛養斯民為念而憲臺公忠體國宣化承流亦無時不切已儼已溺之思本道何敢緘默不言查武昌漢陽黃岡普濟等堂均蒙撥存公銀兩發給地方官轉交鹽商等商

每月一分生息取利支銷連年以來老幼共沐恩膏今此堤實五州縣民命所關其沉沒淹斃之情形前摺內備細聲明仰懇憲臺可否查照武昌漢陽之例酌撥司庫銀一萬二千兩飭發荊安二府分發被害之五州縣交殷實典商營運生息照舊要普濟等堂之例每月一分起利商人按季呈繳地方官轉解安府合歲修之費報明貯庫一遇秋後卽料估興修如此遞年修去自有撙節如有餘剩卽報明存貯遇有大工卽動支興修庶二十里險要大堤可永保無虞而千百萬羣黎共沐

皇仁憲德於無既矣



稟督憲寒撫憲陳請變通潛邑調浣協幫舊例

敬稟者伏查潛邑堤埝向分一十一區歷係民力自修僉點圩  
甲查催遇有挽築大工同區各埝利害與共通力合作隔河別  
區埝分並不撥協二十年前知縣張延慶頗得民心遇有大工  
勸諭別區各埝義助或借用夫工繼則變為協幫後則硬為派  
撥舍己耘人已拂民情甚有相隔數十里及百餘里之埝分亦  
為調撥苦累更甚從前卽知此法於民未便屢欲議革因舊例  
相沿且恐遇有潰決工大費繁之處本埝民力不能修竣致費  
周章是以因循中止上年挽築仁和埝潰口案內飭令詳明輪  
流派撥以均苦樂在案至圩甲一項每歲官為僉點在忠厚者  
胡七安裏邵首永利美案



鑽營以求脫狡黠者藉堤而網利則胥役之實富僉貧圩甲之包收侵蝕雖每歲示檄頻頒嚴行禁約亦勢不能盡絕也良民畏圩甲之需索圩甲以充役爲苦累此通縣情形之大畧相同者而案內爲首之金嚴秀係荆門斥革里書荆門沙洋二十里大堤原係通縣公修因山鄉之民聚衆抗官將堤獨歸湖田之民迨後湖民又復聚衆抗官改爲征費官修以致歷年以來因征費不敷節次

題請動帑彼深知巧卸之弊遂倡爲革圩征費之議聳惑士民而潛邑業民身受圩甲撻協之累是以西方一帶羣相附和紛紛上控且敢聚衆公號也至東南北三方亦以協撥爲累查潛邑

地處漢水下游外江內河無處非堤與鄰近之京山荆門及武昌府之江嘉蒲咸等處僅有臨江一面大堤且長不過二三十里及七八十里而止者迥不相同歷經詳議

題來俱責令民力自修征費官修之說實難舉行至協撥修堤原屬善舉無如法久弊生民心不和自應隨時酌改本道率同府縣就歷來修理情形籌酌八條俾賢有司善爲奉行庶幾民累除而蠹弊清堤工亦有裨益矣至各鄉士民陸續來見並傳示者已幾千萬人本道諄諄曉諭伊等亦知征費官修難以舉行惟以革除撥協圩甲爲請但通縣人衆本道恐從違不一將酌定變通八條出示曉諭如有不便之處令曉事紳士耆老人



等據實稟呈今出示多日並無稟稱不便之人是以將各款飭發該廳縣敘案繕詳由府詳道移司覈明會請

憲鑒外理合將查辦緣由先行稟

開告示條議抄錄附呈

憲覽除稟

部院外爲此具稟須至稟者

潛民苦於協撥告請征費官修變通舊例酌定八條曉諭士民告示

爲設法清釐以蘇積困事照得潛邑地處漢水下游江河環繞民間田廬惟賴堤埝以爲保障歷係民力自修僉點圩甲查催遇有工大費繁之處調掄協帮行之既久弊竇滋多以致爾紳士業民人等紛紛以革圩征費上控如事果可行本道亦豈肯固爲膠執以拂民情無如潛邑情形與鄰近之京山荊門及武昌府屬之江嘉蒲咸等處迥不相同彼則僅有臨江一面大堤且長不過二三十里及七八十里而止潛邑則外江內河無處非堤較之京山則多數倍較之荊門江嘉蒲咸則多至數十倍



若改爲征費官修潛邑止有水利主簿巡檢二員歲修防護不能分身坐督勢必委之書役家人卽如爾等所呈每糧一石派費五錢額定征收在天時乾旱之年堤埝之歲修不過畧爲修補則費有贏餘若輩勢必侵蝕以肥家若遇陰雨過多江湖異漲堤埝之洗刷崩塌自難數計則費有不足若輩事非切己勢必草率從事豈非徒爲家人書吏開網利之門縱有精明之印官愛民之上憲亦豈能刻刻在堤督率稽查數年而後堤埝日益卑薄卑矮一遇異漲則漫潰淹沒之慘必有不可勝言者廩幕付之波臣禾麥盡歸烏有卽或官叅役處亦何解於閭民之疾苦也且京咸寧等處征費之例亦係每歲八月水落後印

各官赴堤估定需費數目然後按田分派各年征費多寡並不畫一遇有崩潰坍塌又復另派並非如爾等所呈限以定額每年止征此數者一派再派不特紛擾不堪亦慮民不堪命況天時有豐歉之不齊一遇歉歲正貢尚且完納不前窮苦小民焉有餘資以輸此刻不可緩之堤費乎迨至完納不前差催敲扑開閭之擾累何堪是本欲便民而反累民身任地方者不得總總計及也況本道現奉

督撫兩憲飭委及

藩臬

臬司移會親詣茲土體察民情今旣察知爾

等實受圩甲之累撥協之苦及吏役之需索又豈可膜視不爲釐剔特飭府廳縣就歷來修理情形斟酌八條爲爾等一蘇積



困誠恐尚有不便於民之處用是逐一開列先爲曉諭閭邑紳士業民人等知悉如各條內並無累民之處爾等作速歸家安業聽候詳

院批示定案後秋冬舉行倘內中尚有不便之處卽令曉事紳士耆老據實稟呈以憑再行斟酌特示

計開

一歲修堤工宜一例勘估通報也查潛邑堤埝凡遇興挽大工將勘估丈尺夫土造冊通報各憲核明堤埝則不行造冊通報此相沿舊例也伏思堤埝關係

國賦民命挽築固屬急務歲修亦豈緩圖若不一例通報在各水司

員役以非通報估修之堤未免稍存泄視不行實力監修在各上憲衙門欲行催修查驗亦均無案可稽殊非慎重堤工之道應請嗣後各埝歲修堤工於每年八月內逐段勘估將老堤高厚原式丈尺若干某處應加高若干某處應加寬若干某處有蟻穴應挖某處有穽洞應補核計夫土數目并興工日期於九月初旬一例造冊通齋依限趕修工竣仍將完工日期通報聽候各憲勘驗庶辦理既歸畫一而水利員役亦知有儆惕矣圩甲請易堽長頭人聽民公舉以除積累也查圩甲一項原因督修催夫而設係照田畝之多寡按年挨次僉充乃日久弊生每於歲修時僉點淳善者則知



功令兢兢督催奸猾者則知法紀捏故規避或暗賄書吏詭卸窮民甚至私相頂替於中包折侵蝕種種錮弊雖嚴加查究終難盡除似應亟請革除圩甲倣照江陵石首等縣之例設立垵長頭人令各垵民於每年八月歲修之時擇其殷實老成熟悉堤務之人赴縣舉報飭令督修催夫其所需垵長頭人應照圩甲名數大爲酌減倘有曠悞滋弊查出治罪若經理得法堤無潰決量加獎勵官不爲僉點胥役無從需索民自爲公舉催督庶幾悅服如此則民累得除而堤壩亦更有益矣

一 隔河協修宜變通免撥也查潛邑堤壩向分一十一區惟同區各垵得以通融撥修隔河區分則永禁扳協繼經前任各令詳

明凡遇搶修挽築無論隔河區分亦准通融辦理捨己從人已爲苦累每遇工大費繁而相隔數十里百餘里之垵分亦爲調撥工程固屬易竣民累益深似應亟請永除扳協以甦民困至護城一帶堤工原係四鄉公修今旣禁止撥協則此一帶堤壩竟無承修之戶應請嗣後於通縣田畝內每畝派錢一文計畝遞加不及一畝者免派交垵長彙繳縣庫報明存貯遇有城堤修築先期確估詳明動用如有餘剩遇垵小堤多需費浩繁之處本垵民力實在不能完工者卽以所繳之錢詳請動給再此項錢文請於每年八月令業民投交各垵長限定九月內彙交縣庫次年完工後將該年出納各數備造細冊報銷如此則小



民永免調撥之累而護城堤埝及垸小堤多之處又不致掣肘  
周章矣

一 派定夫土出夫出價及照田分堤自修宜從民便也查潛邑修  
築堤埝例係按田受土計土派夫惟是取土有遠近人夫有壯  
稚且離堤寫遠亦有應夫僱夫之不同若不酌定應役夫數及  
僱夫價值竊恐奸狡花戶或不照派定夫數應役或專以老弱  
塞責甚或一夫不役半文不出種種弊端難以枚舉卑職於上  
年議挽仁和垸堤工詳奉

憲允每土一方視取土之遠近定役夫之多寡其應役有老弱  
充數者以二折一有願出價僱夫者每工出錢三十文責令垸

甲代僱應役民皆稱便行之有效應請嗣後各垸堤工無論歲  
修挽修出夫出價亦照此例聽從民便仍先期將估派夫土及  
代僱價值出示曉諭今已議革垸甲設立頭人卽令頭人設立  
花名簿一本送縣鈐印照應役夫土及代僱錢數逐日註明簿  
內投繳該管官查核彙總報縣以憑轉報如此則花戶既爲便  
易而在堤人役亦無從藉索至各垸內堤埝離居民住處有遠  
近之不同倘民居近堤垸分有願照田多寡將堤各分丈尺踴  
躍自築者亦應聽從民便官爲按畝分堤該管水利官仍不時  
稽查工程毋使曠悞似亦便民之一端也

一 受僱夫價勿許刁措多索也查潛邑派夫修堤離堤寫遠及孤



寡零戶難於親自赴工類多僱夫應役設當工程緊急之時人夫每多捐索僱覓維艱卑職於上年議挽仁和坑工詳定規條凡興修處所責令近工保甲查明情願受僱人夫姓名登記冊檔照每工三十文定價按名給發催令赴工代修其老弱人夫減半給與民樂遵行在案應請嗣後各坑修築堤工受僱代修人夫悉照此例遵行永爲章程則辦理畫一而工程無悞矣

一紳衿書役宜一例派夫也查潛邑修堤歷係按畝派土計土派夫凡屬有田業戶均應出夫應役紳衿書役雖得免當堤老丁甲而修堤人夫例應一體均派即不能親自担築或令丁佃代役或出工價僱夫庶無偏枯如無紳衿書役之中往往有阻抗

詭避雖屢加查禁在案然不詳定懲治之法通行出示曉諭恐此輩恃有護符仍蹈前轍應請嗣後凡遇歲修堤壩及挽築搶修各工紳衿書役照實在需用夫數一例派夫承修如有違抗書役立拏本人紳衿則拘家屬枷號堤所示衆仍令出夫趕修俟堤工完日重責釋放庶苦樂得均而功令亦肅矣

一修堤陋規宜勒石永禁也查修築堤壩原係保護民生之善政而不肖水利員役從前每多需索既受力役之征復遭餽送之困嗟彼小民曷克堪此歷奉各憲查禁在各水利員役雖知儆惕現無過犯第恐日久玩生弊難永絕應請將各項陋規逐一簡明指出勒石縣署門首并各鄉村集鎮刊豎木榜永行禁



革庶功令益照而陋規盡絕矣

一裁減管堤書識以剔蠹弊也查修築堤埝估計丈尺繕造冊籍原需書識經理然使冗役太多保無弊竇叢生是多一書識增一民累也潛邑共有堤埝一百六十餘埝分爲二十一區其不列入區內爲獨埝洲灘向來管堤書識不下數十餘人其中奸良不一誠慮察難周卑職志嚴釐惕計維裁減凡一區酌留一名至各獨埝洲灘附近區分內帶管統於現在書識中當堂遴選殷實老成精明書算者充當餘悉裁汰如此則蠹弊益清而民累可除倘有工程浩大必需酌給書役人等口糧之處容地方官隨時酌量於工程內抽給仍立案備查以杜冒濫